



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCXLVII. ad annum CCCCI.

**Parisiis, 1644**

Epistola Synodica Per Legatos Ad Constantivm Transmissa, Haec Est.

**urn:nbn:de:hbz:466:1-15256**

Si quæ autem alia blasphemia ARII, vel cuiuslibet, re-  
pertæ fuerint, similiter anathematizamus.

ANNO  
CHRISTI  
359

EPISTOLA SYNODICA  
PER LEGATOS AD CONSTANTIVM  
TRANSMISSA, HÆC EST.

Exstat apud  
Athanas. de  
Synod.

DEI iussui, tuoque pio edito parentes, quæ olim do-  
gmatibus tradita ita esse, vt tradita sunt, nostris suffra-  
giis stabilienda iudicauimus. Nam Ariminum ex omni-  
bus ad occidentem positis ciuitatibus in vnum conueni-  
mus, vt fides catholicæ ecclesiæ cognosceretur, & qui al-  
terius opinionis essent, manifesti fierent. Ibique post lon-  
gam deliberationem optima visa est ea fides, quæ haec-  
nus vsque a priscis temporibus perdurauit, quam & pro-  
phetæ, & euangelistæ, & apostoli per Dominum no-  
strum Iesum Christum prædicarunt, qui est tui imperii  
custos, & tuæ valetudinis defensor. Statutum est igitur,  
vt eam retinentes coleremus, & colentes vsque ad finem  
conseruaremus. Indecens enim & nefarium, aliquid ex  
rechte & iuste decretis, & ex Nicæa publice cum illustrissimo  
principe Constantino patre tuo per accuratam de-  
liberationem constitutis immutare velle: in quibus tan-  
ta doctrina est & prudentia, vt ea vbiique deprædicata ad  
omnium aures animosque peruerterit, quæ sola hostis &  
interfectrix Arianae hæreseos, & per quam non illa sola,  
sed & reliquæ hæreses sublatae sunt: in qua certe & ad-  
dere aliquid temerarium est; & auferre, periculosem:  
quorum si alterutrum fiat, erit hostibus quidlibet agen-  
di libera facultas.

De damnatione Vrsacii & Valenti. Atque ea de causa Vrsacius & Valens, iampridem so-  
cii & astipulatores Ariani dogmatis, a nostra commu-  
nione, sententia data, segregati fuere: quam vt denuo  
recuperarent, de peccatis suis, in quibus se conscius ag-  
noscebant, pœnitentiam veniamque postularunt, vt eorum  
syngraphæ testantur: & ob id illis venia gratiaque  
delictorum facta est. Hæc autem per id temporis facta  
sunt, cum Mediolani Synodus in confessum ibat, præ-  
sentibus ibidem Romanæ ecclesiæ presbyteris: fuitque  
proinde nobis persuasissimum, iniquum esse, cum impe-  
rator Constanus ab obitu suo dignus omni memoria hanc

ANNO CHRISTI 359. fidem omni cura & diligentia conscriptam promulgarit, tum demum ex quo ille baptizatus, ex hominibus in requiem sibi debitam translatus est, aliquid noui in ea fide moliri velle, & tot sanctos confessores & martyres huius placit scriptores auctoresque contemnere; qui pro veteri lege, rituque ecclesiae, in ea sententia permaneserunt: quorum fidem Deus per Dominum Iesum Christum in tempora tui imperii contulit: per quem ita late regnas, ut etiam nostro orbi imperes.

Verum denuo miseri isti deplorati animi, nefario ausu, impia sententiæ fœse præcones ostendunt, & omnia veritatis decreta conuellere nituntur. Eo enim tempore, quo pro tuo editio Synodus cogebatur, ipsi fraudis suæ consilia denudarunt: conati enim sunt per vafriciem & tumultum, cum sociis istius factionis, Germinio, Auxentio, Caio, contentiones discordiasque seminantibus, nouas res facere. Quorum doctrina una eademque omne genus blasphemiarum superat. Vbi autem viderent, non esse ibi homines eiusdem studii, neque qui illorum prauis sententiis astipularentur, in nostrum consilium se transtulerunt, ut viderentur aliud quippiam scribere: sed ipsi non ita diu postea animum suum ostenderunt. Ne igitur res ecclesiasticae in easdem molestias cadant, neve turbatio & tumultus denuo omnia inuoluat & confundat; constanter visum est, olim decreta pro legitimis inconcussæ seruanda, & istos a nostra communione submouendos esse.

Atque ideo legatos nostros ad tuam æquitatem misimus, qui tibi sententiam Synodi ex epistola ostenderent: idque legatis nostris ante omnia mandatum est, ut veritatem priscis & iustis rerum allegationibus probarent, & tuæ sanctitati ostenderent, quod non, quemadmodum Vrsacius & Valens inquiunt, pax futura sit, si aliqua ex rebus iustis subuertantur. Nam quomodo pacifice agere poterunt, qui pacem tollunt; sed potius inde contentionem turbationemque tum reliquis ciuitatibus, tum Romanæ vrbi oborituras esse. Quapropter supplicamus tuæ humanitati, ut benignis auribus & sereno vultu nostros legatos intuearis, neque ad contumeliam mortuorum aliquid noui induci permittas; sed nos

Concil. Tom. 3.

B b ij

De inconfidantia Vrsacii & Valentini.

De legatione ad Constantium missa.

ANNO  
CHRISTI  
359.

finas in institutis decretisque maiorum permanere, quos magno ingenio, prudentia, & Spiritu sancto omnia fecisse asseverauimus. Certe res nouae quas isti moliuntur, credentibus incredulitatem, incredulis credulitatem induunt.

Episcopi  
petunt mis-  
tionem.

Iterum te nostris supplicationibus conuenimus, vt iubeas episcopos peregre commorantes, quos & grauitas ætatis & paupertas affigit, quam facillime in patriam deduci; ne ecclesiæ, absentibus episcopis, desertæ relinquantur. Id quoque nostris precibus addimus, quo nihil desit rerum priscarum, nihilque exuberet, sed omnia firma maneant, vsque a temporibus beati patris tui in hodiernum diem obseruata; ne nos posthac vexari, & a nostris dioecesibus segregari permittas; sed vt episcopi cum suis populis pacem ad preces cultusque diuinos & otium habeant, orantes pro tuo imperio, salute, & pace, quam tibi in perpetuum diuinitas largiatur. Nostrí porro legati subscriptiones, salutationesque episcoporum afferunt, qui tuam sanctitatem de hac causa ex ipsis sacris literis edocebunt.

### EPISTOLA CONSTANTII AD CONCILIVM ARIMINENSE,

Qua episcopos Arimini suum ab expeditione barbarica redditum expectare iubet.

*Constantius victor & triumphator Augustus, omnibus episcopis,  
qui sunt Arimini coacti, salutem.*

Extat apud  
Socrat. lib.  
2. cap. 29.

**Q**VAM QVAM vestræ sanctitati minime obscurum est, nos maximam curam diuinæ & venerandæ religionis Christi semper habuisse: tamen viginti episcopos, quos vestræ prudentia ad legationem vestrâm obeundam misisti, hoc tempore ad nostrum conspectum admittiendi, otium non erat. nam expeditio, quam contra barbaros in præsentia suscipimus, nos districtos tenet: & par est ( vti nostis ) vt ei, qui sit sacrosanctæ religionis negotia tractatus, animus ab omni cura & perturbatione liber sit. Proinde episcopis mandauimus, vt Hadrianopolis nostrum redditum expectent: vti, cum ea quæ ad rempu-